

Odluka kojom se produžava mandat gospodina Davida Upchera na funkciji savjetnika Ureda disciplinskog tužioca

Koristeći se ovlaštenjima koja su visokom predstavniku data u članu V Aneksa 10. (Sporazum o implementaciji civilnog dijela Mirovnog ugovora) Općeg okvirnog sporazuma za mir u Bosni i Hercegovini, prema kojem je visoki predstavnik konačni autoritet u zemlji u pogledu tumačenja gore navedenog Sporazuma o implementaciji civilnog dijela Mirovnog ugovora; i posebno uzevši u obzir član II 1. (d) istog Sporazuma prema kojem visoki predstavnik “pomaže, kada ocijeni da je to neophodno, u rješavanju svih problema koji se pojave u vezi sa implementacijom civilnog dijela Mirovnog ugovora”;

Pozivajući se na stav XI.2 Zaključaka Konferencije za implementaciju mira održane u Bonu 9. i 10. decembra 1997. godine, u kojem je Vijeće za implementaciju mira pozdravilo namjeru visokog predstavnika da iskoristi svoj konačni autoritet u zemlji u vezi sa tumačenjem Sporazuma o implementaciji civilnog dijela Mirovnog ugovora, kako bi pomogao u iznalaženju rješenja za probleme u skladu sa gore navedenim “donošenjem obavezujućih odluka, kada ocijeni da je to neophodno”, o određenim pitanjima, uključujući i (prema podstavu (c) stava XI.2) “mjere kojima se obezbjeđuje implementacija Mirovnog sporazuma na cijeloj teritoriji Bosne i Hercegovine i njenih entiteta”;

Uvjeren u vitalni značaj koji za Bosnu i Hercegovinu ima nastojanje da se ojača i slijedi vladavina zakona kako bi se

stvorila osnova za privredni razvoj i strana ulaganja;

Uz uvažavanje stava I.2.a Zaključaka donesenih na navedenoj konferenciji u Bonu kojim je potvrđeno “da je nepristrasno i nezavisno pravosuđe” od “suštinskog značaja za vladavinu prava i pomirenje u Bosni i Hercegovini”, da proces imenovanja sudija i tužilaca mora biti zasnovan na sposobnostima, da se mora uspostaviti institucija za edukaciju sudija i tužilaca, te da je kontrola pravosudnog sistema element od suštinskog značaja za taj proces;

Pozivajući se na Kominike Upravnog odbora Vijeća za implementaciju mira od 28. 02. 2002. godine, u kojem Upravni odbor podržava pooštrenu strategiju reforme pravosuđa Nezavisne pravosudne komisije za 2002/03. godinu, kao i uvažavajući, između ostalog, značaj uspostavljanja Visokog sudskog vijeća za Bosnu i Hercegovinu i reorganizacije sudova, a što se dalje ponavlja u Kominikeu od 7. 05. 2002. godine;

Pozdravljajući postizanje sporazuma između entiteta o prenošenju određenih odgovornosti koje se odnose na pravosuđe na nivo Bosne i Hercegovine, kojim se omogućava uspostavljanje jedinstvenog Visokog sudskog i tužilačkog vijeća na nivou Bosne i Hercegovine;

Imajući u vidu da je zakon o jedinstvenom Visokom sudskom i tužilačkom vijeću na nivou Bosne i Hercegovine stupio na snagu 1. 06. 2004. godine i da je neophodno osigurati neometanu transformaciju u novoosnovano Vijeće, te takođe garantovati kontinuiran rad, nastavak članstva, kontinuirano prisustvo međunarodnih članova, geografsku zastupljenost i ravnomjernu nacionalnu zastupljenost i zastupljenost spolova;

Pozivajući se na prethodne odluke visokog predstavnika, odluku visokog predstavnika br. 214/04, donesenu 4.06.2004. godine, o imenovanju članova i savjetnika Visokog sudskog i tužilačkog vijeća Bosne i Hercegovine, objavljenju u “Službenom glasniku Bosne i Hercegovine”, br. 28/04, i na odluku visokog

predstavnik br. 307/04 od 12.12.2004. godine o produžetku mandata gospodina Davida Upchera kao savjetnika u Uredu disciplinskog tužioca objavljenu u "Službenom glasniku Bosne i Hercegovine", br. 63/04, u skladu s kojom mandat gospodina Davida Upchera i kao savjetnika Ureda disciplinskog tužioca Visokog sudskog i tužilačkog vijeća i kao vršioca dužnosti disciplinskog tužitelja ističe 1.4.2005. godine;

Uzimajući u obzir da kandidat za funkciju disciplinskog tužioca u Uredu disciplinskog tužioca Visokog sudskog i tužilačkog vijeća još uvijek nije imenovan u skladu sa članom 64. Zakona o Sudskom i tužilačkom vijeću Bosne i Hercegovine ("Službeni glasnik Bosne i Hercegovine" br. 25/04);

Ovim donosim slijedeću

ODLUKU

kojom se produžava mandat gospodina Davida Upchera na funkciji savjetnika Ureda disciplinskog tužioca

Član 1.

(1) Ovom odlukom produžava se mandat gospodina Davida Upchera, advokata iz Sjedinjenih Američkih Država, kao savjetnika Ureda disciplinskog tužioca Visokog sudskog i tužilačkog vijeća Bosne i Hercegovine (u daljem tekstu: Vijeće), do 31.05.2006. godine.

(2) Gospodin David Upcher nastaviti će vršiti dužnost disciplinskog tužioca u skladu sa članom 64. Zakona o Visokom sudskom i tužilačkom vijeću (u daljem tekstu: Zakon) od 1.04.2005. godine do stupanja na dužnost disciplinskog tužioca kojeg imenuje Vijeće u skladu sa Zakonom, ali u svakom slučaju najkasnije do 31.05.2006. godine.

Član 2.

Ova odluka stupa na snagu odmah i biće objavljena u "Službenom glasniku Bosne i Hercegovine".

Sarajevo , 31. mart .2004. godine

Paddy Ashdown

Visoki predstavnik